

Appakkaarlu Ingaakaarsullu

Ukuupput angutit marluk: Aappakkaarlu Ingaakaarsullu. Taakku-gooq illoriipput imminnut sammiuaannartut. Tassagooq inuuler-mata ningiuisa imaaliorpaat taakkua: Siulleq inuummat ningiuata arnaminit nakkartorlu maminnik issortunik poorlugulu imagoq oqarpoq: “Ikeqanngitsuatsiaassammat peroruni anguteqatiminit ka-pineqarluni.”

Pooramiuk qaavatigut kaporpaa, tassagooq mamit issortut ka-porlugit ikeqarsinnaanngimmata. Tassa taamaaliorpaa. Aammagooq illua inuummat aamma ningiuata taamaaliorpaa. Tassa Appakkaarlu Ingaakaarsullu. Nukappiaqqat peroriartorput assut inuummarissut. Natermigooq pisulermata angutaasa kamassarlugit *kamagutturpata* savinnik tunillugillu oqassapput: “Kapuunnaritsi!”

Tassa kapuutilissapput qianiarlutillu. Soorlikarmigooq aanaartar-put kapuutileraangamik. Erniinnarooq aanaassarput tassa sunniuk-kamik mamit issortut – kuisimanngitsut upperisaat sunniukkami taamaappoq.

Peroriartorput. Taamaallutik kiisa nukappiatsianngorput. Angu-taasagooq nalutillugit perorsalerpaat, imaanut eqqarlugit sungiusa-lerpaat. Kisianngooq ipinissaat pilerunikku qaqissavaanngooq. Tassa taamaaliarlugit perorsalerpaat.

Suligooq taamaallugit qaqitittaallugit perorsartarniarlugit kii-sagooq aqqaamasalerput assut. Suligooq qaqitittaallugit avammut aallaraangamik avammuinnaq aanngartarput. Utaqqigaluarlugit ajor-nallaraangata peqarumanngittaringata majuarlutik isissapput illermi uulinnermit qipittorlutik nalasut. Taamaalmata sugiunnaarpaat.

Tassagooq taamaaligamik imminnuk perorsalerpuk nalullutik. Kiisagooq tassa puisitut aqqaamasalerput. Tassalu perorlutik qaja-qalerput.

Qajaqaleramik suli tassa nalunneq sungiusarpaat. Puisit annerit aqqaamaasiattut aqqaamasalerput tassalugooq nukittorsarniarlutik. Taannagooq Appakkaa qaannakkut sukkangaarami appat paartortut malillugit nuertarpai, tassa ateqaataa Appakkaa. Illua Ingaakaarsuk nunakkunngooq oqilangaarami nalissaqanngilaq. Taamaattorooq ili-siitsut kussullugu kinguporsortartunngortikkamikku. Suminngooq

piuminartumik nunakkut takugunik taanna arpalluni aallaruni aallaqqaataanik kinguporsulissooq. Pilluni pilluni aallararaaq, soorlugooq timmiaq qaatsiarteq; kisiannigooq Appakkaamit nukeqannginneruvoq.

Taakkugooq imaapput: Ilaanni maleqqiarunik *malerisassinnigikku-nik* nunamut niugunik oqassapput: “Uagut malersorniartigut!”

Tassalugooq imaanut teqqarlutik malersortilissapput. Ila tassa puisussat *uaarlugillu* taamaallaanngooq aalassattaraat. Malersorlugit *inerallugit* ila tassuuna puisaraat.

Suligooq malersorlugit puinngitsuussapput. Uterlutik takuleraaraat tikereersimasut. Tassagooq taakkua taamak unamminanngitsigaat, kisiannigooq pitsavissuupput annaassisaramik; naviilersuugaluit annaattaramikkik, kisiannigooq akeqqaminni qununaqaat. Soorlikiarmigooq qununaatigaat ikeqarneq ajoramik imminnut kapuutileraangamik, amugaalugooq tagiarlugulu mamit issortut suniuttaraminngooq.

Suligooq Qingaamiittut tusaleraraat Alluitsormiut malersorlutik ningersitsissaartut ilannguaminnik. Pilerisalissapput imminnut: “Orninniartigik, uuminaqaat taamaaliortut!”

Aallarunik alakkarissamut pillutik malersortunnguit. *Utaqqalutik* malersortut nalliuppata avalassapput, ilagilissavaat. Soorlugooq tassa ajortukasiit. Kingornanni tamaani ilagalugit pisarippassuk kingornannit malikkaat ilaasagooq takulissavaat aappaa qaannamik inuttaqanngitsumik kalittoq. Taassumagooq angusup kalitani qinaarilerlugu qiviassavaa taavaana qeqqagut kipsisareeraa, tassalu morsugullugu.

Qaannami sinaatigut nuilluni qaannaminut qaqisooq tassalugooq atikkersorluni. Oqartaraat: “Ilannguassinnik ningersitsisarniaritsi! Taamaaliortaannassavassi, uagut angutaavugut qununngitsut!”

Kingornagooq ningersitsisalersut tusartalissavaat. Qingaami nunaqaramik tusalerput Saarlormiut *inungersorsuit* anguterpaat akullersaat Sermilimmut nuuttoq, ningaasittoq. Ukiut tulleriit tusarnek ajoraluaramikku tusaltalerput qajartortut tikissaartut. Paasilerpaat taassumaakua toquttarai tassalu nuulluni Ammalortup Karranut, qunulerluni. Qatanngutaagooq tusaleramik qatanngutertik nuuttoq sorsulerput nungukkiartorlugit Sermilimmiut, tassalugooq aallarlutik. Appakkaakkut Ingaakaarsullu tusalerput: “Ippassarligooq Sermilimmiut Saarlormiut nungukkiartorpaat!” “Ilaalaa ornikku!”

Kujammut aallarput tamakasiat. Paaramik, paaramik Ammalortup Karranut pigaluarput, soorlikiarmi taamak. Ilummut aallarput Akornatigut parrullutik. Nueriallaraat taavaakua illut ataannut tulalersut. Ornikkamikkik tikippaat illartorsuit, sunaaffagooq ilisiit-sup serrallugit killillugit saammartikkai. Aasiit tassanigooq ilagaat nuannaartorsuit. Aallalermata ilagilerpaat. Ammalortup Karranut pilersut oqarput: “Uagut siuarniarta!” Ingerlagamik illup ataatigut tulallutik niupput. “Qanoq pissavagut?”

Umiaarsuat ornikkamikku *kannaatigut* illuttut tigullugu torruk-kamikku aserorlugu nunguppaat. Illuat ornikkamikku oqarput: “Tuussaa tukertaateqikku!” Tuussaa tukertaakkamikku taamaallaat nakkarami iserfissaarullugit tassalu nuillutik. Ateramik oqarput: “Sermilimmiut nungukkiartoraluarassigik nunguinnarussigik ataatsimilluunniit angerlartoqassanngikkaluarpusi! Uagut angutaagatta imaaliortaratta.” Aappaata qajarmiuni savissuaq tigugamiuk aappani orneriarlugu kapeqaa, aamma aappaata qajarmiuni tigoriarlugu aamma aappani kapeqaa. Tagiaraangamikkik taamak ikeqaraanngilat. “Uagut taamaakkatta anguteqatitsinnut qununeq ajorpugut!” Tassalu angerlarlutik.

Tassa taamaapput Appakkaakkut Ingaakaarsullu, illoriit qimassanngitsut. Utoqqasaanngulerput suli imminnut unammiaaannartut. Qimattaraat imminnut akileriillutik, ullut tamaasa tikeraattut. Ilaanni Inuata Nuواني ilaanni Niaqornaarsummi; ullut tamaasa imminnut orneqattartut.

Ilaanni Inuata Nuواميup ikaarfigigamiuk oqarpoq: “Tassa erniinnaq ikaassuunga!” – Nuliani taallugu ajoqimmat. Taama ikaarpoq. Aqagu qaammat illua ikaarami nuua tikilerlugu tupermiit nulia annippaat. Illukasia majuarami iseriallartoq – illukasia qissasiinnarpoq. Aamma illukasia qissasiinnarpoq. Qiasuusaarluni illukasia assam-migooq akornatigut illukasini isigilerpaa qiasoq. Qiajunnaarpoq illukasia. Suli ilisiartortut peqanngitsut illukasiata tunummut qiviarlugu oqarpoq: “Illora nukappiunialerpoq. Arnagaasivasimmut akitsinuna illuaammiinnaat!”

Tassani illalerput. Illarlutik, illarlutik kisiat naatik anniarileramik-kik aatsaat soraarput.

Tassa taakkua Appakkaakkut Ingaakaarsullu taamaapput. Illoriit naalannginneri taamaapput. Tassa Ukkiaarsuakkut Akamalillu perorsarfii. Tassa Uunartup inuii.

Uunartup kangerluarmiut

Ukkiaavissuaroq kinguaaqanngimmat eqqarliisa mamiagivippaat, utoqqarmut ajuleriartorluni illumi iluani kisimi piartormat. Ilai ima ileqqoqarsimapput: Ilaminnik aappanittoqaraangat ernisuitsuusaringat avitittarpaat. Tassagooq Ukkiaavissuaq saqiseqarnani imermillu qoormillu ajulersoq ilaasa naammattoortaramikku. Tassa taama siuliat ileqqoqarsimapput.

Uunartup kangerluarmiut ilagiiginnaasimapput. Aammagooq illoriit Appakkaarlu Ingaakallu, taakku ajornarsimaqaat. Appakkaarooq sukanermit appat paartortut inugarinnginnamigit, tassa Appakkaassutaa. Ingaakallugooq taanna ajornarnerummat ilisiitsut iliseeriarsimagaluarpaat pitsarlullugu. Qimannerooq ajoramik.

Ilaannigooq Uunartup qinnguanit anillutik tuttu takugamikku niullutik malissallugu aallarniariarlutik Ingaakak ajulerpoq. Siumut kingumullu pilerpoq. Siumut aallartoq, kingumut aallartoq. Tassagooq ilisiitsut kukkusaat. Appakkaa paffa. Kiisami taamaalluni siumut aallarpoq. Kingoraanit malillugu angugamiuk tikitarileraalu sanimut pivaa: “Tuttussangalinnguasikkaluqaat?”

Orneriaramiuk taamaallaat angulaaramiuk. Tassagooq Uunartup kangerluani tuttu kingullersaat. Ingaakak Niaqornaarsummi nunaqarami Appakkaa Qingaami nunaqarpoq. Taamaattoq ullut tamaasa takunngitsoorumannngillat. Arlaat ikaartoq, arlaat ikaartoq. Ilaannigooq tamarmik Niaqornaarsummiittaramik. Ilaannigooq angutit uninngasaringata oqartaraat: “Malersortuusaarallartigut!” Atisaajaraangamik avalattullu qaannat avalakaallutik malersuleraraat. Saaq-qutiminnik eqqaakkaatsik oqararaat: “Iluamik periartarluta!”

Puisaringata saaqqutit ornillaraangatik puisitut aalaniariartut inaannaannut saaqqutit qanga sorruttannguarsit! Ilaanni Ippik kujatangileraluarlugulu anernitik ajuleraangamikkik qaannat kingornanni qingaannatik nuisillugit anerterisut takuleraraat. Parrullugit qallertaringamikkik immap ikiannguani ittut isiginiarlugit iterminnit puariarlutik taamak ammuinnaq aanngararaat.

Qaannat qinaluarlugit takunngikaangamikkik angerlarlutik tikileraraat atisalersorsimallutik sumik isumanngitsut. Aatsaanngooq killeqanngitsunnguit.

Ilaannigoq Ingaakak Niaqornaarsummit tikiingilermat illukasiata ikaarfigalugu uninngasoq iserpai nulia napparsimasoq. Tassani ulloq najorlugit unnulermat ikaarpoq. Aqagu qaammat isumagiinnaramigit atangerniariarlugit toqusimammat taavaana annikkaat. Marluullutik ilerfioramikku inerlugu angerlarput. Iserlutik Ingaakak qialermat marluullutik qialerput. Appakkaa qiakatalerluni asuli qiasuusaagin-nalerluni qasoriarami aappani pivaa: “Illoraana nukappiunialerpoq. Arnagaasuannguamununa akisikasiitit illuaammiinnaat!”

Taama pigaanilu illalerput. Aatsaat illarueramik soraarput tassalu-aasiit ileqqutik atillugit. Sunaaffagoq Ingaakaap Arnagaasuannguaq inoqutigaa. Taakku kisianni ajorsimanneqaat.

Aammagooq tusalerput Alluitsup kangerluamiut malersoqatin-guatik ningiillisaleraat. Taaka avannamut Akuliaruseq uiarlugu illumut ingerlallutik tappavami nipaas. Tikillugit ilagilerlugit kiisa-mi *alligaqaat*. Toqullugu nunamut aalermassuk taakku illoriikkasiit kataapput.

Pateriaramik aappaa tamataajarami taamak qaannami sinaagut. Taanna angusoq kalitani manngaallattalermat pinialerpaa taavaana qeqqatigit kipileraa. Ajornaqimmat isigiinnarlugu. Peeramiuk illor-minut aappaa. Pisareerlutik tamakku qajarpaat pivaat kingorna ni-ngiilleqqunagit taamaaginnarpata angusaat taamaataannarpata aserortertuaaginnassagamikik!

Tamakku nalaatigut pingaartorasassimaqaat aamma.

Ukkiaarsuaq

Tassani Qingaarmiuugami ilaannigooq Imatsaami malersorlutik pi-sarigamikku Karrata Alannguanut pilakkiarpaat. Sunaaffa taanna pi-laffinnaavat *salliartaannaq* qaannat ikittunnguit kisimik niuffissaat, ilaat qaannamiiginnartut niuffissaqannginnamik. Ukkiaarsuaroq uppannattussaalluni tigugamiuk qaannaminut usiliuppaa. Angutit ilaata taanna uppat tigugamiuk aamma imminut usiliuppaa. Taamaa-liulerput. Ukkiaarsuunngooq uppat usiliukkaalu taama ilaat oqar-pallappoq aappaatalu uppat upaleraa: “Ukkiaarsuumaasiit akissan-gilaa...”

Angut taanna tiguaa erniinnaq tunngatikkinnaarlugu. Taamami immap sinaaniitsigigamik qajaannarnut orliuteqimmagu nunamut tungerliup nuna ajaammiinnarpaa. Qaannallu nunallu akornat imar-tusiniariartoq taamak qapuinnaavoq. Qaannat siallutik mannaannaq





"Usulissuaq kuanninik nammattoq." Oqaluttuat Uujoorsuarmik, Uujuummik Usulissuarmillu.

qineraleriarlugu taamak *amiluallaannarpoq*, tassalu aanni suppusimallugu. Taamaasisullu Ukkiaarsuaq qummut taamak tarrippoq. Muluulertorluni qajarpaat qulaatigut nuivoq ujarak niaqqumi qulaatigut kakallugu. Qajarpaat *qinnguummiinnarput* imminnut miloriutissammagu. Ingerlariami taanna ujarassuaq qunneqqamut magguppaa. Peqqaannagu tigoriarlugu aamma tigugamiuk orraaloortillugu kaanngartikkamiuk qajassuuttumik manguppaa oqarlunilu: “Kingulissama takunnguukkunissuk amugilissuk!”

Amunissaa merserisimagamikku sulī amuneqanngilaq. Taamaassagimimi, nuisanera angisuugami. Suligooq qunneqqamut mangussi-manera annerugami. Ukkiaarsuarooq inugissorsuugami, qallunaatut ameqarami. Ilaanni kujataarmiut Uunartumut ammassiaramik kujataarmiunngooq pingaartortaata umiaa pulagami arnaq inoqutini naalagaliullugu. Taassuma arnap Ukkiaarsuaq takullugu *noqqarsimalluni*. Katissimapput. Taakku umiat ammassereeramik kujammukarput. Tikimmata pingaartorsuup taanna arnaq tusarlugu kamalluni Ukkiaarsuarmut oqaassivoq nuleeriar torumaaramiuk. Ukkiaarsuaq tusarluni aallasaarpoq. Allat suliar iunnaarpai tuttut nassui killorlugit. Ilaanni kipisani sulloqanngimmat eqitassaq naammatsiinnarlugu kipigamiuk ippatiminnut ilivaa.

Tamaani Ukkiaarsuaq uninngasorngaasiit nunaqqatai uparuarput Niaqornamit umiat nuisut. Ippiup akianiikkami Niaqornaq. Tassa umiat eqqaanni qaannat! Aggersillugit tikimmata niuffiorneqanngilat, nuleersiartortuummatami. Nioriamik Ukkiaarsuup illuanut isaaqaat ulikkaarlugu. Taanna pingaartorsuaq ippatip ilaanut ingippoq tullinngorluni, Ukkiaarsuaq timimigut uiniinnangorluni nulianni asserlugu *killisaammut* sannikarluni issiasoq. Kina tassa oqassava. Ukkiaarsuaq pikkusilerluni sassarterami taanna nassuk tigullugu pingaartorsuup kiinnaata saanut itummaminit umerartaartillugu oqarlunilu: “Qanormiuna taassumatut inuup saaninnguasii mattutigineruppat?”

Nassuk eqikkamiuk imerminngooq tissaloqqaarluni assaata ataanit taamaallaat pujualukkami eqittaannarlugu sequtseramiuk.

Taamaalisorlu katammut tulleg anivoq. Pilerput. Taanna pingaartorsuaq kingulliulluni anivoq tassalu kujammut aallarlutik. Kujamunngooq naapitaminnut oqartarpoq: “Saaninnguasutsinngooq mianerilerlugit misilikkaluannginnamikku!”

Usulissuaq

Aamma Usulissuaroq ilisiitsuutillugu Alluitsup eqqaamiuisa pasilersimagamikku, qanga ilisiitsut ersinarallarmata. Imminnut kalerreqattaateriaramik qajarpaat toqutsiartorsimaqaat. Akamalinngooq eqqarliata ernini qajaaraq Qingaap saannguani aalisaqatigalugu qilermillugu. Angutaa oqarpoq: “Eqqarlinnguakkuluppunngooq toqukkiartorpaat aalisaatit amuarniaruk!”

Tunummullu aallarluni. Sissaq tikileramiuk ernini tunummut kaamippaa, qeqqussanngooq tinilluni *nuiffioqisut* qeqqussat qummut qaangerlugit, tassalu angutaa kimmut aallarluni, Akamalik ullaammalli qamasoq takuniaraa. Sunaaffagooq Usulissuup ernuttani Uujoorsuaq suli meerannguakkuluusoq iliarsororluni qiaannalermat kuanneeqqanik *imangersaatissarsioraa*. Taanna Akamalip eqqarlia paarluni, paarluni kiisami Illorpaat kitaanni tikikkamiuk kalerrillugu kangimut aallarput, qatsunganeq akuilitsatik qullarterlugit, siui paffa. Ilummut ingerlallutik Ippik saqqaqqullugu Imatsaap saneraanniittut ikaarfigalugit, qajarpaat, Usulissuaq atersimagaluarluni qaannami qulinnguaniittoq, avatangersimagaat.

Takugaatillu Akamalip suaarpai utaqqeqqullutik ataatsikkut ikilissagamikku. Qajarpaat nukingitsallutik avalliit ilaata tunummut anguigaannaqaa! Usulissuup anguigaq peeramiuk sakkugissallugu saveriartaraluarlugu qasungagalugu qaangiuttoortaannarlugu ilaasa avataanit *nannigaatiinnarpaat*. Akamalik inortuilluni nioriami eqqarlinnguakkulunni orneriarlugu pallorteriallugu nuluata orsuaniit peer-seriarluni nerfallarteriarlugu sakiai qummut uliteriarlugit tinguanit avisseriarami taannaqa angutit nerisinnialerpai, piumanngitsut! Saamiup tungaanit talingerlugit, illuanik tinguk orsorlu, piumanngippat savimmik kapissagamiuk. Tassaqagooruna iisarujaat. Aatsaat tamakkeramigit taamaatippai.

Angakkorsuummat timaa aggorlugu tamanut aatsereeramikku niaqua toqutsivimmik eqqaanut ilivaat. Naammassillugulu Akamalip anguterpaat pivai pigisai agguariaqqullugit. Tappika kangimut qajarpaat tikilermata Uujoorsuaq kilummut majorniaasartuinnanngorpoq ittunnguakkulummi toqutsisaasa aamma imminik toqussammani. Pigisai Akamalip agguarlugit nungummata umiaata ataanit ammuppaa aalisaat soqqaq. Taanna silaannarmut igillugulu oqarpoq: “Pingaarnerusoq annermik piumaarpoq!”

Taannaqa noqquutilerput. Akamalip ernini suli ininngitsoq tunua-gut ajallugulu pivaa: “Ilillu nimissannanniarniarit!” Akamalip erne-rata anguterpaat tikikkamigit kaaveqqaartaraluarlugit niuisa akorni-sigut pulaniaannariarami taamak pulavoq. Pularuttortoq killormut qummut anguterpaat amilioqqileriannguartut Akamalip ernerata tamangajassuasiat ammuppaa. Ilaasagooq tikertut takitigisut pisar-simagaluarpaat.

Akamalinngooq eqqarluni Uujoorsuaq kujammut qimarnguppaa suli meerannguakkuluusoq perorunigooq Uunartup eqqaa inuias-sammagu. Taqqavunga Illorsuatsaanut qimarngussimavaa. Ukiarooq ataaseq ilasiuvoq ukiaattoorlutik, taqqavanimiumut utoqqakasim-mut ilasiaaginnarluni.

Ukiilerlutik upernaakkut sikoqqaat nalliummata Akamalip er-nersua tikinngilaq, sunaaffa nukkani suli qajaaraasooq kisimi aallarsi-mammata aavuunik aattuiniarluni, angerlarteriaramiuk sikoqqaanut aallersimavoq. Tikinngilaq, unnuuppaa. Aqagu qaammat nassaarivaat sikorasaat akornanni *peqqasooq* tassalu qaavani paatip kalluata iner-suasia, qilaanngarsimasooq. Angerlaallugu ilaasa qialermassuk Aka-malik qianngilaq. Sunaaffa unnunnissaanut qammukkumaallarlugu. Tamaanga ukkarmut ilivaa.

Unnummaga angutaata qammutilerlugulu ilani pivai natermut tummaqqusinani. Angutaata taap ataani passuppallukkaa erinitsaallu-gu qaammaatseqqummat qaammaappaat. Tassalu aavata tikissimagaa. Aammalu qammuteqqummat nangikkaalu taanna utoqqakasik taap ataani nipaarsaarluni illuanik natermut tummarpoq. Akamalip erni-ni passuppallukkaluarlugu qaammaatseqquinnarpoq. Aatsaat Akama-lik qiavoq. Tassalu utoqqakasik ullaakkut angumerineq ajulerlugu.

Ilaanni ernini nukarlikasik qajaqatigalugu tasamunga avalangaarlutillu kiisami inuk takugamikku pallittorlugu tassamiuna ilimasuttun-guaq. Sikorsuaq *qaqqaasalik* nioqqavigigaa. Angusani tikikkuniuk passutilertuinnarlugu qaqqaasaanut. Akamalikkut sikut taalutaralu-git piortalerpaat. Angusani sikkivigigilertuinnarlugu qanornguna qaqqaasaanut. Kiisamiaasiit sikumut tullermut pillutillu Akamalip ernikasini pivaa tassunga uneqqullugu, takulliinnassammagu. Ilaan-niaasiit angusani sikkivigigaalu Akamalip siku tooriarlugu aallarfiga-lugu kiisami unaarsiniassallugu tassaana ernikasimmi ikilertareeraa. Pikkunaatsooraluaqaaq kingulliulluni ikileramiuk.

Uku allapalaarpakka kukkuneqaraluaqisut. Nuannarigukkit naq-qillugit nammineq iluarsaallugit pigissavatit. Maannakkut uanga aallarneq ajorama uummaseralunga kisianni ajorpallaanngitsumik.

Eqqaamasaannarakkit Ammassivik qimakkakkuli inuulluaqqussutissara.





"Uujuup panii issoraasisut." Oqaluttuat Uujoorsuarmik, Uujuummik Usulissuarmillu.

Oqaluppalaaq Appakkaamik Ingaakaarsummillu

Tappikanigooruna Qingaami eqqarliminni, immaqa Usulimmi, ernersiullutik perorsaleripput piaartumik angajoqqaaverukkamik, taakkulu illoriissimapput imminnullu qimanneq sapersimapput. Tasaluaasiit Uunartormiorpallallutik imaannaq allisarnatik.

Ingaakaarsunngooq utoqqarsuanngunngilaq erniinnaq aqqunarami. Tuttunngooq nassua tigusarigamiuk soorlugooq maavartunnguamik tiguisartoq. Kisianni alliarturnerminni inuuneri imaapput: Maanigooq angisuunngorlutik tappikkani Niaqornaarsummi aasiveqartaramik. Sila nuannerpat naloraarnermit iluamik qaqineq ajorput ilaannilu qajarpasuit oqarfigisaraat puisiusaarumallutik, taakkununngalu puisitut malersoqqullutik mianerinatillu saaqqutiminnik eqqaateqqullutik.

Qaannat pilerisuullutik aallariartoraangata mattarteriarlutik imaanut teqqararaat taavalu malersuleraraat, ilaannilu saaqqutip tuffigileraangatik morsunniariartut puttaviannut qitsulluaannaaraat. Taamaallutik ilaanni puisinngitsooraraat, ilaannilu tammaallutik takuleraraat qaannap niutaavata ataatigut sorluinnaat nuisasut. Tikiserniaraluarlugit morsoriarlutik kussarlutillu itiminnillu puaariarlutik tassa kingorna puisinavianngilaat. Qinaarigaluarlugillu tammaasari-gamikkik angerlatarigamik tikittaraat tassaana qangali tikissimasut, aperisaraallu qanoq ilillutik angerlarsimanersut, oqartaraat aqqariarlutik immap iluatigut ingerlasaramik.

Aammagooq nunakkut oqilaqigamik. Aammagooq tassuuna unaminanngimmata ilisiitsumaasiit kussullugit aappakasiat Ingaakaq tuaviuallalluni aallaraluaraangami kingumut aallaqqaartarpoq, taamaattorooq taassuma Uunartumi tuttutta kinguleqanngilaq. Tappavanigooq kangiminni Qoorormiuni sissarsiortoq tikikkamikku qajarpasuullutik ilaasa tamarmik qimagarpaat, taannaasiinngooq qummut aallaraluaraangami kingumut aallartaannarami. Kiisa ilarpasui pavungarsuaq tarriapput. Kiisami qummut aallarpoq. Tappavunga Niaqornaatsaap qulaanut tarrisimalersut malillugit aallarput taannaluaasiit illukasinilu soorlu immannguaq. Siulliullutik tuttu

tikikkamikku taamaallaat anguileramikku. Tassagooq taanna kinguleqanngilaq, norratsiannguaroq.

Kiisagooq utoqqalillutik imminnut qimatsiartalerput. Aappaa Inuami Appakkaa q nunaqarpoq akianilu Niaqornaarsummi Ingaa-kaarsuk nunaqarpoq. Ullormut marluullutik piniartarput. Ilaannilu erinitsaallugu ulloq naallugu takunngeriamik aqagu qaammat ul- laarngani ikaarluni atinngimmalluunniit annilaangaqaluni majuarami iserfigerallaraa illukasimmi nulia napparsimangaarami. Tassani ulloq naallugu uninngagami unnukkut aatsaat ikaarpoq unnuaalu iluamik sininngilaq, aqaguanilu ullaakkut ikaarami nunamut pilerluni taa- vaana akiarlugu annikkaat. Allatut saperami niugami ilivermuinnaq majuarami tassanilu sulereerami aterami illukasini iserfigaa tassanilu artorsaqaaluni illukasini isigaa. Illukasiata oqarfigaa: “Soqutaanngilaq tamatta toqu atussagatsigu taamaattumik naammagisariaqarpat.”

Nipangersimalertorluni oqaqqippoq: “Illoraana nukappiugusuler- poq. Akisikasiinnuna avannamut Arnagaasuannguamut!”

Tassani naammatsillutik illalerput. Taassumagooq taanna illoqa- tigigamiuk, arnaquassaarsuugamigooq. Kingorna, immaqa ukioq naanngitsoq, tusalerput Pavia Egede Qaortumut pisoq oqaassisor- lu angutininnagoq unammisassaminik qaaqusilluni. Aammagooq taavunngarallaripput amersuarnillu nioqquteqarlutik. Qaortumut pigamik tassagooq inussiassaq, taavunga eqitersimagamik. Killorooq taassuma nukittaatsunerup paagamiuk ajugaaffigaa.

Massagooq tigugamiuk inungaaramiuk niorsuisa manngui kisiisa paagaluarpai taamaattorooq marloriarluni igitsittaraluarpoq nikor- fanngarmi tuttarami. Kiisagooq aalassarissigami soorlugooq tassa eqalussiorluni, taamaallaanngooq tiguffissaqarnani soorlugooq nig- goqartoq. Kiisagooq aapparsuani kivittalerpaa. Anersagooq inuppas- suit isiginnaartut nipaalerput. Marloriarlugugooq *iperaattaramiuk* pingajussaanninnagoq iperaallugulu unammisarsua oqarpoq: “Angu- tivissuuvutit taamaatinnianna!” Taamaatileramiunngooq taamaal- laat timikasia sajukkami. Tassagooq imunga pisorataarpoq. Un- nummallugooq pulaarsarmani kisiat illukasini *ilagiserpaa*, taanna- lu piumanngilaq. Taamaallutimmi qaaqusisoq iserpoq annermillu ilagisermani kiisa ilagalugu majuarpoq kiisalu silaarunnartumik im- mikkamigit aalakoormaput. Aqaguani amiutitik akigaat tamaasalu *ivis- siutigaat* taavalu kujammukarput. Tassunga nalulerakkit unitsippak- ka. Qajartuumaneri tusaannginnakkit ilanngutinngilakka.